



# Arubaanse Courant

Anja 25.

DIALUNA 4 MEI 1964

No. 5024.

## APUNTES EDITORIAL

### Cachonan ta morde atrobe

Hopi mehoracionnan riba e isla aki ta worde realisa lentamente. Antes tabata tin un cantidad di keho di banda di e doñonan di cacho, pasombra polisnan ta tira nan cacho mata, awor a bira cu ta tende cada dia mas y mas keho di e personanan cu no tin cacho, y kendenan ta mira e cachonan salvaje como un plaga y un peliger di tur banda. Despues cu e tiramento di e cachonan a stop, B.C. a priminti mas of menos mey anja pasá, cu lo worde instalá un "dog catcher".

**FATUM**  
Pa tur bo aseguronan  
Tel. 1845

Locual en berdad a socede. Pero sin embargo e "Dog Catcher" aki tabata tin mala suerte. Un di e prome biaha nan, cu el a jena e auto jen di cacho, el a boltu e auto, cu a nifica libertad pa casi tur e cachonan y un estadia largo den hospitaal pa e chauffeur. Despues cu el a cura, el no a mira probecho mas den su trabao nobo, y for di e dia ey, Aruba ta sin "dog catcher" atrobe.

Ta un problema. Si polisnan tira e cachonan, e ora ey nos ta haya nos cu amigonan di cacho rabia y tristo cu ta bisa: "Pakiko bo a tira nos Rex mata? E tabata tin un banchi bisti". Y si ningun hende tuma medida contra e cachonan aki, e ora ey ta bini keho di e mayornan di e muchanan cu a worde mordi door di e cachonan medio salvaje, y chauffeurnan inocente ta corre mata nan culpa riba caminda, pasora un cacho a corre cruza inespera nan dilanti - manera nos sa recientemente a pasa dos accidente pa e motibo aki! - y e donjonan desapuntá di lamchinan y carnénan cu a worde mata, ta puntra nan mes, na unda nan mes ter presentá nan cuenta.

Conclusion; tiramento ta malo, pero di otro banda ta sigur cu ta necesario pa tumapasonan serio contra e plaga di cacho cu ta aumenta irrevocable si no haci esaki. Savaneta por tuma parti na e conversacion aki actualmente. E solucion di mas elegante ta keda un "dog catcher".

Na number di tur esnan cuta mira e aumento di cachonan bagamundo como un peliger, nos ta insisti serca B.C., pa bolbe cuminza y pronto pa tuma medidanan pa pone un fin na esaki.

Nos no por kere, cu den e tempo aki di desempleo, cu no tin algun hoben, kendenan lo nenga di bira un "dog catcher". Segun nos B.C. a warda mucho hopi pa tuma medidanan riba e terreno aki. Door di esaki a socede caba riba e carreteranan di Aruba dos accidente cu heridan nan serio.

## Drama riba anja di La Reina

# Cuater homber a hoga

ORANJESTAD, - Un accidente hopi grave den haf di Oranjestad a costa bida di cuater homber y asina a pone un marca tristo ariba e dia di celebracion di aña di La Reina na Aruba.

"Sylvia" un boto di piscado cu a logra gana di tres premio durante pustamentonan, a bolter na altura di e rif di Taratata net ora cu e tabata regresando pa haf cu siete persona abordo.

Por a worde salba señores Roman Dirksz, Seferino Ridderstap y Rafael Holsman. Ta te den mainta di 1 mei Martinus Bislip a logra saca e restonan mortal for di laman. Nan tabata di Candido Bito (31) di Citroenstraat 12, Johan Antersijn (58) kende ta biba na Taratatawerf, y su yiu homber Pedro Antersijn di Ponton 22 y Bubu Jansen di Edisonstraat No. 5.

Con e accidente aki a ocurri exactamente no ta sigur ainda. Si nan sa cu "Sylvia" a gana e pustamento cu tres homber abordo y despues di su triunfo a pasa piki cuater hende abordo. Un tal peso segun expertonan por ta motibu cu e boto a bolter, ademas cu specialmente pa pustamento nan ta saca como 1500 kilo di balast for dje boto pa e bira mas liviano. Nan ta supone cu e skipper cu tabata dirigi e boto di west pa oost den e lagoen y cu na dado momento tabata bai duna un show net dilanti dje rif di Taratata un poco pa west di havenkantoor a lora mucho skerpi. Si tabatin un biento duro di ripente, of talvez e pasaheronan a cambia di posicion di repente, esey nan no por bisa ainda. En todo caso net den lorada e boto a bolter. Door dje ballast e boto a sink casi mes ora den laman hundo. Señor Hans Trinler kende a mira e accidente tuma lugar rato despues den un boto di loods a sali pa duna auxilio di manera cu nan por a salba un dje herdenan cu a landa bai na un boei. En realidad dos dje hendenan tabata ariba e boei. Di tres

mes a landa bai canto. E cuaternan cu a perde nan bida parce a worde atrapa bao dje bela grandi di "Sylvia" ora cu Bislip a hanjanan ainda nan tabata bao dje bela.

### NAN A BUSCA HOPI

E accidente a sucede mas o menos dies minuut pa diesdos 'os di merdia. Buscamento dje boto cu a sink a exihi hopi ora. Promer un boto di loods a busca, pa despues di mei ora laga e trabao pa un bushi cu aqualong. Esaki a gasta un botter di oxigen sin logra nada, un otro boto di loods cu un mas, entre otro e polis Ammerlaan a sigui cu buscamento pero sin resultado. E boto cu a localisa e barco tabata un barco di piscado Venezolano "Santa Anna" cu mas pa oost tabata buscando y cu porfin a bin hanja "Sylvia". Esaki tabata drief como diezsies meter hundo. E boto di Aruba Caribbean Hotel cu su bom di glas tambe por a constata esaki despues. Na e momento aki tabata casi cinc' or di atardi caba. Despues cu nan a pone un boei na e boto nan a bai back pa havenkantoor pa busca otro aqualong pa motibu cu e unico

cu nan tabatin abordo, esun di sr. Ammerlaan mientras tanto a bira bashi atrobe. Jegando havenkantoor ta resulta cu no tin mas aqualong pa continua buscamento E aparato di "Arikok", e bushi nan presente no kier a sambuja cu ne, pa motibu cu e maskara no ta fit bon na nan cara. Ora cu por ultimo nan a hanja un otro botter di gas, a bira mucho scur bao awa pa busca.

### PROBLEMAS

Durante buscamento tabatin enorme hende na havenkantoor. Entre nan nos a mira ministro E.O. Petronia, gezaghebber interino I. S. De Cuba, deputado A. Falconi, comisario C.A. de Jager y inspector J.E. de Wijs, hefe di Justitionele Dienst. Hopi opinionnan a worde duna y hopi comentarionan tabatin. Un cost a sigur cu despues di a localisa e boto nan no a prepara mas botter cu zuurstof y cu hopi tempo baleroso a bai perdi y cu porfin sacamento dje restonan mortal mester a spera te dia despues.

sigui lesa pag. 2



**SABOR CU NUNCA TA VARIA**  
**IT NEVER VARIES.**

HAVE A REAL CIGARETTE  
HAVE A  
**CAMEL**



**ARUBA'S FAVOURITE CIGARETTE**



Ora cu aña La Reina e noticia di e hogamento tragico a plama door dje accidente cu e boto "Sylvia"; cantidad di hende a bai na havenkantoor for di unda e buscamento tabata worde dirigi.

**CUATRO HOMBER  
A HOGA**

cont. di pag. 1

Tambe ta sigur cu mes ora pensamento a bai na señor Martinus Bislip, un dje mehor sambujadornan di Aruba. Como un aña pasa e bushi Arubano aki a worde condecora door di International Skin Diving Association na Merca. Na principio ningun hende por a hanja señor Bislip. Ora cu poco despues e la presenta. E la pidi di antemano e suma Fl. 250 pa su trabao of Fl. 50 pa cada aqualong cu nan tabata desea di usa for di dje. Na nos señor Bislip a declara: "Mi a sambuja diferente biaha pa gobierno, pone mi bida den peligro, sin hanja un cent nunca di nan. Mi ta tata di nuebe yiu y tin como cinco luna caba sin trabao." Inspector de Wijs sin mas a nenga e oferta di Bislip. "Un suma asina, ta mucho halto pa exhi na un lugar di accidente." Ta un suma exorbitantemente halto. Si e la yuda sin su demandanan especial, lo mi a percura pa sigur e hanja su recompensa despues. Tabata declaracion di inspector De Wijs.

Segun nos a tende, despues Bislip a dicidi di yuda ariba peticion di un familia di un dje victimanan. El a haci esaki pa un suma cu e familia mes lo stipula despues.

Diabierne pa seis or y mei señor Bislip a bai y pa siet or e tabata na canto caba. E la mara e restonan mortal y a laga saca nan caba. Pa un cuarto pasa di siete ya nan tabata den San Pedro Hospital. - Bislip a declara despues: "Nan a hoga, nan no a stik si nan tabata tin un bon organisacion y yuda nan mas liher, sigur por lo menos dos bida por a worde salba." Cu e declaracion aki esnan cu tabata den asunto di salbamento no ta di acuerdo. "Locual Bislip a declara ta masha incorrecto. A dura oranan largo prome cu nan a localisa e boto bao di awa. Te hasta si nan a saca nan mes ora, anto ya tabata laat caba, nan a keda mucho tempo bao di awa."

Tambe nos a worde informa en coneccion cu e declaracion di señor Bislip cu nunca e la worde recompensa pa su yudanzanan, cu señor Bislip en todo caso durante trabaoan di cobamento den haf di Oranjestad durante hopi tempo tabata emplea pa gobierno pa haci trabaoan di control bau di awa. Esaki Bislip no ta considera un recompensa, como e pago cu el a ricibi ta pa e trabao di haf cu el a haci.

**FOR SALE**

22ft cabin cruiser head, elec. bilge pump 100 hp. merc. trailer complete with instruments for \$ 3000.-- (Tres mil dollar mericano) For inform, please call

**Bill Jordan**

Aruba Caribbean Hotel-Casino Tel 2250.

**AUSENTE**

**J.G.H. Janssen**

arts, Sta Cruz

TE DIA 1 DI JUNI 1964.

Tur otro dokternan ta atende su patientnan.

Dokter di gobierno lo ser anuncia despues.

**PRECIOSO**

**BOU-**

**QUETNAN**

PA DIA DI PROME SANTA COMUNION Y PA DIA DI MAMA

jama of pasa na

**Jardin Caribe**

(Ica Croes) Koningstr. 7 - tel. 2660

**BENDEMENTOE PUBLICO**

Ariba Diarazon 13 di mei 1964 na 5 or di atardi, lo tin den cafe-restaurant "Trocadero" na L.G. Smith Boulevard 15 na Oranjestad-Aruba, den presencia di Notario suscrito segun poder irrevocable bendementoe publico di:

E cas-vivienda di blokki Isaac Wagemakerstraat 44 na San Nicolaas riba 752 m2 di tereno erfpacht, conteniendo: veranda, sala-comedor, cucina, 3 kamber, banjo y stoepi. Na huur pa f. 135.-- pa luna, sin contract.

Inscribi na number di Raimundo Quintin Kemp, ex Lago-employé, residencia na Aruba (C. 93-11).

Tur dia tin ocasion pa mira e cas entre 4 y 6 or di atardi. **HYPOTHEEK DISPONIBEL PA CUMPRADOR SOLIDO.**

Pa más informacion acudi na oficina di suscrito: **Notario FELIX E.J. THIJSEN.** L.G. Smith Boulevard 59, Tel. 1071.

**Gobier no no a hisa bandera dia 29**

ORANJESTAD, 4 mei. - Diarazon ultimo e dia cu Princesa Irene y Principe Charles Hughes a contrae matrimonio na Roma ningun bandera a worde hisa na

e oficinanan di gobierno insular of central. Esaki como muestra cu gobierno no ta considera e matrimonio aki como un dia di fiesta. Pero si diferente habitantenan di nos isla a duna muestra di nan alegria hisando bandera "rood wit blauw" manera por ehemplo na pistorie di Oranjestad.

**BO A PIDI**

**GAS CABA?**

1898 - 1198



Cu alegria y gradicimento nos ta participa nacemento di nos yiu.

**HENRY EDGARD JESU**

Henry R. Does  
Jane Does-Chai.

Aruba, 30 April 1964.  
Van Walbeekstraat 25  
Oranjestad.

temporalmente:  
San Pedro Hospitaal

**BRITISH AMERICAN INSURANCE CO LTD**

- \* Seguro pa hospital y operacion.
- \* Seguro di malesa
- \* Seguro di accidente
- \* Seguro di bida

AWOR CU SU PLAN DI 4 PUNTO.  
AMERICAN INSURANCE CO.  
BAO: SEGURA BO MES SERCA BRITISH  
CASONAN INESPERA BIRA BO BIDA BOCA  
NO PERMITI CU UN ACCIDENTE OF OTRO

*for Mothers' Day*

Regalonan  
util cu  
mama lo aprecia  
sigur

den surtido extenso na su adres favorito

**La Linda**



specialmente pa ocasion di **PROME SANTA COMUNION** nos ta duna rebaho especial pa **PERMANENT** tambe pa hende grandi, e prijs ta special durante temporada di recibimento. **THERESITA'S BEAUTY SALON** Tel. 2056

**PETRONA & CROES**  
Materialnan di construccion di calidad y na prijs atractivo esey ta solamente na

**ST. GERARDUS CURSUS**  
E school comercial di mas grandi na Antillas Neerlandes. Dialuna 4 di mei nos ta habri nos sucursal na San Nicolas, Weg Seroe Pretoe 1.  
Tel. 5365. Alumnonan por acudi tur dia entre 5-8 or.  
Tel. San Nicolas; 5365 (5-8)  
Oranjestad; 3268 (5-8)  
Savaneta; 7227

**L.O.I. - onderwijs is GOED onderwijs**  
Ga studeren bij de L.O.I. want met vak-kennis, met een diploma en met een betere ontwikkeling kunt u meer bereiken. Moderne lessen en bevoegde leraren zijn een waarborg voor goede resultaten. Vraag vandaag nog een gratis prospectus van de cursus waarvoor u belangstelling hebt. Vul onderstaande bon in.

Administratie Mulo A en Mulo B  
Prakt. Jid. Boekhouder. HBS A/B, Gymn. A/B  
Mol. Bedrijfsadministr. **Technische opleid.**  
Staatsarchiv. diploma. **Schouw. draaisluisbouw**  
Landw. kennis L.O. **Assistenten:**  
Sinterklaas. **Radio, Elektrotechniek**  
Sinterklaas. **Radio, Waterbouwkunde**  
Sinterklaas. **Topografie tekenschool**  
Sinterklaas. **Landbouwonderwijs**  
Sinterklaas. **Wiskunde Mulo B HBS B**  
Sinterklaas. **Wiskunde arte LO I/O**  
Sinterklaas. **Algem. voorbereiding**  
Sinterklaas. **Chem. bedrijfschemie**  
Sinterklaas. **Technische tekenaar**

**Talen**  
Nederlands, Spaans, Engels, Duits, Frans, Portugees, Italiaans, Zweeds, Russisch, Latijn, Esperanto

**Handelscorrespond.**  
Nederlands, Spaans, Engels, Frans, Duits

**Algem. ontwikkeling**  
Cursus na L.O. en voortz. onderwijs  
Algem. ontwikkeling

**Algemene vorming**  
Fund. muziekgeschied. **Kinderverzorging**  
Fund. muziekgeschied. **Diëtetiek, Tandarts, L.O. en Hygiene**  
Vrij. geschiedt. **Landbouw**  
Vrij. geschiedt. **Algem. landbouwonderwijs**  
Vrij. geschiedt. **Wiskunde, Verzorging**  
Vrij. geschiedt. **Plantenziekten, Selectievoor**  
Vrij. geschiedt. **Motoren en Tractorremans**

**Tekenen-Schilderen**  
Vrij. geschiedt. **Landbouwopkweeking**  
Vrij. geschiedt. **Landbouwopkweeking**  
Vrij. geschiedt. **Landbouwopkweeking**  
Vrij. geschiedt. **Landbouwopkweeking**

Van de cursus met een officieel examen afleggen

**LEIDSCHER ONDERWIJS INSTELLINGEN**  
INSTELLINGEN ZONDER WINDSTOEL  
CURACAO Wilhelminaplein 13 ARUBA Wilhelminaplein 13

Cursus ontvang...  
Naam: \_\_\_\_\_  
Straat: \_\_\_\_\_  
Woonplaats: \_\_\_\_\_

**BOTICA ARUBA**  
Personal competente  
+ Maquinaria moderna  
= Servicio excelente.  
Jama No. 1080 - 1081  
of 1180  
y nos ta busca bo recept y entrega e remedi na bo cas.

**STENO en TYPEN**  
**ST. GERARDUS CURSUS**

**TA BUSCA UN CAS PA HUUR**  
pa familia Hulandes. (No cas mueblá)  
Paf6 di stad tambe ta bon.  
Dirigi cartanan bou no. 13 na oficina di Arubaanse Courant, Nassaustraat 85, Oranjestad.



**MI OPINION  
OBLIGACION SAGRADO**

Siman pasá, durante un discurso cu Sr. Albert Raven a tene na Corsow pa Club di Toastmasters, e a toca na un manera cu ta merece elogio, un problema di suma importancia pa nos comunidad. E problema aki ta cu nos por weta diaramente den nos comunidad cu ta un grupo masha chiquito di hende ta tuma parti activo den directiva di varios clubnan of organizacionnan riba nos isla. Ki ora cu nos hese den corantnan tocante eleccion di un directiva nobo of formacion di un organizacion of un comite, nos atencion ta ser hala door di e hecho cu hopi di e personanan cu ta forma tal directiva, tal organizacion of tal comite, ta caba den varios otro organizacionnan. Nan nomber ta sona conoci den nos orea.

Tin biaha nos ta puntra nos mes, si ta otro cos e hendenan ei no tin di haci, si ta worry nan no ta worry cu nan famianan, cu nanta tuma tanto cos riba nan schouder, of si kizas ta gusta nan ta gusta weta nan nomber continuamente den corant. No laga duda cu tin di e hendenan ei, cu ta acepta y hasta busca puestonan solamente pa nan figurá, y no laga duda tampoco cu tin organizacionnan cu ta limita nan colaboradoresnan na un cierto grupo di hende y no kier duna otro chens di traha pa nan. Sinembargo casi semper e razon ta otro. Hopi di nos ta ignora cu pa tal personanan aceptamentoe di mas puesto ta significa un sacrificio grandi, un sacrificio di e poco tempoe cu nan tin pa nan mes of nan familia, un sacrificio hopi biaha di placa y hasta di salud.

Pakiko anto, nos por puntra, si e hendenan ei ta sacrifica tantu, nan ta sogui acepta tal puestonan of tal trabao? Pa hopi di nos e contesta ta facil. Y esei ta: Cu e hendenan ei mayoria di biaha ta worde moralmente obliga door di nan sentido di responsabilidad cu nan comunidad di acepta, pasobra otronan no a ofrece nan mes of hasta a ninga di duna un man. E hendenan ei ta realiza masja bon cu nos no ta biba riba un lugar pa goza y gana placa solamente, nan ta realiza cu si tur hende tin e mesun punto di vista di ninga cooperacion, anto nunca nos lugar por baladilanti. Cuanto biaha nos ta weta cu hendenan cu kizas un of dos biaha pa luna tin un reunion di bay, y cu ora trabao caba pa nan 4 or of 5 or di atardi, no tin nada otro di haci, sino keiru den auto, bai hunga carta na club, pasa tur weekend na beach, ta ninga rotundamente nan cooperacion, ora un of otro club of organizacion haci un yamada riba nan, pretendiendo cu nan ta yen di cos di haci y no tin tempu. Y pa colmo cuanto biaha no ta e mes hendenan ei, cu ta bula pipa pa trabao, ta esnan cu ta para cla pa critica e trahadornan duru, ora esaknan comete cualquier error di mas chiquitu?

Hopi bez nos ta tende e reclamo, cu ta un grupo chiquitu di nos, of hendenan di otro islanan, of di otro nacionalidad, extanjeronan manera nos ta yama nan, se ta run nos asuntunan. Y toch, cu tur e reclamo aki, ora cu nos mes tin chens di participa, ora nos mes tin chens di acepta puestonan, den directiva di por ejemplo Kunstkring, Muziekschool, Vereniging van Handel en Nijverheid of cualquier di e hopi organizacionnan aki, nos ta bira lomba y bisa "mi no tin tempu, sorry, mi ta yen di cos di haci". Si nos kier tin e derecho di reclama, anto nos mes mester cuminsa sacrifica, nos mes mester ta dispuesto pa haci algo, y no pa critica so.

Ta mi opinion cu ta obligacion sagrado di un y tur di nos, di interesa nos mes pa trabao di e organizacionnan ei, di no solamente duna nos cooperacion, pero hasta di ofrece nos mes voluntariamente pa tuma parti na tal organizacionnan cu mayoria di



Pa mucha homber:

- oloshi
- renchi cu monogram
- klem pa dashi
- dasspeld
- manchetknoop
- gesp
- ballpoint 4 colo
- samberchi

Pa mucha muher:

- oloshi,
- renchi orea
- renchi
- cadena
- pulsera
- crúz
- medaillon
- cucharita di comunion
- cuchara y forki
- rosario

**SPRITZER + FUHRMANN**  
**JUWELIERS - HORLOGERS - OPTICIENS**  
 ARUBA - BONAIRE - CURACAO - ST. MAARTEN - NEW YORK

**MAAKT ASTMA SLIJM LOS** terwijl u slaapt. Moelijk ademhalen, kuchen, proesten en kortademigheid, te wijten aan herhaalde aanvallen van bronchiale astma en bronchitis kunt u snel en gemakkelijk bestrijden met versterkte MENDACO. Helpt u snel als u ergens allergisch voor bent, ontspant de luchtpijpen en helpt het dikke, verstikkende slijm zich te verwijderen. Gewoonlijk vergemakkelijkt het 't ademhalen snel, bedaart het hoesten en doet u uiteraard beter slapen. MENDACO is verkrijgbaar in de botica. Het kan ook U helpen!

Aruba ta un isla cu ta pasando pa un tempo di gran progreso; awor mas cu nunca cooperacion di un y tur ta necesario. Si nos duna nos cooperacion, anto e ora ei si, nos tin derecho di reclama, ora ta e grupo chiquito ei so ta sigui ocupa tur puestonan y ta sigui run nos asuntunan. Pero mi ta sigur sigur cu tal reclamo e ora ei lo no ta necesario, pasobra mi sa, cu mayoria di e hendenan ei, lo ta contentu di haci un lugar pa otro, pa asina nan por hanja mas tempu pa dedica na nan mes y pa dedica na nan familia, cu tanto nan ta desculda, y tur esaki solamente pa ofrece nan tempu tan precioso na beneficio di nos dusi isla.

R. Lopez Henriquez.

**Ceremonia special pa mamanan**

ORANJESTAD, 4 mei.- Diadomingo dia 10 di mei na ocasion di dia di mama lo tuma lugar despues di Misa Solem di cincor den iglesia San Francisco un ceremonia special. Pastoor di e pa-

# KLOMPEN KLUB



Ta presenta:  
e famoso cantante

## Monica Maris

4 di mei te 17 di mei

Show ta cuminsa 9.30 p. m.  
 Klompen Klub ta abrie di 7-2 p. m.  
 Reserva be mesa na tempo jama: 2250

Servicio excelente.  
 Cushina primera clase.

hotel CASINO  
**aruba**  
 CARIBBEAN.

rokia lo dirigi palabra na e mamanan. Despues cu e presentenan a ofrece un bela na Mama Maria nan lo ricibi bendicion special di pastoor.

**JAMBOREE COMITE TA REUNI**

ORANJESTAD, 4 mei.- En connection cu e organizacion di e Jamboree cual lo tuma lugar na Agosto venidero na Paramaribo, e Jamboree Comite di Aruba lo reuni dia 10 venidero den Trocadera. Aki e plannan cu tin pa manda un grupo di padvinder di Aruba pa tuma parti na e Jamboree lo worde descuti detalladamente.





**DOS JUBILEO NA LAGO**

ORANJESTAD, 4 mei.- Diasabra ultimo dia 2 di mei senjor

Generos Kock un enpleado di Lago a celebra su di diez anja den servicio di e compania menciona. Diadomingo, esta ayera, senjor Rudolph C. Bergfield di departamento tecnico a recorda mes tanto anja cu e ta den servicio.

**MISA SPECIAL PA I.O.W.U.A.**

SAN NICOLAS, 4 mei.- Diabierne mainta pa nuebor a tuma lugar den Iglesia Santa Theresita na San Nicolas un misa special cual a worde teni ariba peticion di directiva di Independent Oil Workers Union of Aruba. Esaki pa motibo cu dia un di mei e fiesta di St. Josef, patron di e obreronan ta tuma lugar. E misa a worde haci door di Pastoor B. van Baars.

The „so good,, flavor that only LIBBY'S can give you. Tasty as they are pretty, because they are the firm tender, sweet-as-honey LIBBY'S fruits.

**N.V. WINKEL'S  
HANDEL MIJ.**

**Souer Rosalie a celebra cuarenta anja di profesion**

ORANJESTAD, 4 mei.- Dia 30 di april soeur Rosalie, kende tabata e prome Arubiana cu a drenta convento, a celebra su di 40 anja di profesion. Na ocasion di esaki pastoor N. Erkampa tene un misa special den Maria Convent. E fiesta a worde celebra diahuebs entre e soeurnan. Diadomingo soeur Rosalie kende cuarenta anja pasa a drenta Congresion como Gomerinda Luiden, a ricibi su familia den convento na ocasion di e jubileo.


# DIA ANJA DI LA REINA NA ARUBA



Un bista dje aubade, cu a worde teni ariba dia di aña di La Reina na Santa Cruz. Ariba e podio e dirigente Dercksen. Dilanti dje muchanan cu ta canta. Nos por reconoce den flus color scur gezaghebber interino.



Start di pustamentu di landa pa mucha muhernan. Tabatin gran interes pa e pustamento aki.



Un bista dje parada militar tuma for di e balcon di gezaghebber na bestuurskantor. Aki e mariniernan ta marchando. Ariba acera ariba e podio nos ta mira gezaghebber interino I.S. de Cuba y e commandant di marinier G.C.J. Ballieux.




Señor A. Dercksen, dirigiendo e aubade na Santa Cruz.



Esaki ta Ramiro Croes, kende a sali number uno den 11 km. pustamento di Basi-Ruti bow aña di La Reina.





Tambe algun marinier Arubiano a marcha den e parada militar dia 30 di april.



Aki nos ta weita un grupo di muchanan cantando aña di La Reina den aubade na Santa Cruz. Nan a haci nan best y tabata canticanan masha bunita loke nan a canta.



Diarazon señor J. De Lannoy y señora Ninita De Lannoy-Toppenberg bao enorme interes a celebra nan boda di plata. Aki e pareha ta worde felicita door di señor Han Steenhuisen, gerente di warehouse di Aruba Trading Company.

### GRUPO DI ARUBA HUESPED DI T.C.A.

ORANJESTAD, 4 mei.- Ayera sels or di atardi mas o menos 30 persona a sali ariba invitacion di Tran Caribbean Airways pa Puerto Rico, pa keda aya te majan. Entre e invitadonan tin diputado D.C. Mathew y A. Falconi di Aruba y diputado drs. E. Newton di Corsow. hefe di Oficina di Turismo na Corsow James Leander, señor Arturo M. Arends como representante di Camara di Comercio y Industria na Aruba, general manager di Aruba Caribbean Hotel, señor Henry Steeber, señor Knubber di Oficina di Turismo di Curacao Trading Company, director di Aldo Travel Bureau Albert Raven y señor Ernst Kervel di oficina di viahe di E. & G. Martijn (Aruba) N.M. Señor James Wever, representante regional di T.C.A.

na Antillas, lo companja su huespednan. Majan pa dos or y mei e huespednan lo regresa Aruba.

### Accion di mision na San Nicolas

SAN NICOLAS, 4 mei.- Diabierne, diasabra y diadomingo venidero e soeurnan di Fatima Convent na San Nicolas lo tene un accion pa mision, di cual e suma cu lo worde colecta lo ta pa e trabao di mision na Indonesia, caminda door di awa y un cosecha malo a resulta un situacion di emergencia. E dianan ey lo tuma lugar na e school di e soeurnan un sorto di feria cu rifamento y bendemento di articulonnan traha door di e soeurnan y e muchanan, manera chimis, cuadronan y lo demas. E schoolnan ta habri pa e bishitantenan diabierna atardi for di 4 or te 9 or, diasabra for di cuat'or pa nueb'or y diadomingo despues di misa te 12 or y despues di cuat'or te siet'or.

### Explosion riba tankero Hulandes

ORANJESTAD, 4 mei.- Ariba e marduga di dialuna pa diamars di siman pasa, pa banda di tres ora a tuma lugar na bordo di e tanker Hulandes "Rossum" cual tabata den haaf di San Nicolas ta descarga azeta, un explosion den un pipa, door di cual unicamente un persona a worde herida levemente. Mesora despues di e explosion e tanker a sali for di haaf pa investiga pafor di haaf kiko a sosode y pa limpia e kamber di pomp cual a yena cu benzine.

Tabata un explosion duro cual a lamta diferente habitantenan di San Nicolas. Diarazon merdia inspeccion di nabegacion a bin Aruba pa haci un investigacion den e caso. E tanker tabata den haaf di San Nicolas.

# Aruba

A DRENTA

# "Jet Age"

TRANS CARIBBEAN SU "5th ENGINE FAN JETS" TA SALI FOR DI ARUBA PA NEW YORK PA SOLAMENTE \$78,25 PA VUELO ★

Bo por sali for di Aruba cualkier Diamars, Diabierne of Diadomingo. Un "Fan Jet" ta hibabo San Juan den menos cu un ora, y bo por baha na New York den menos cu cuater ora.

(Sin cambia avion)

E avionnan di Trans Caribbean tin cuater motor grandi di jet cual ta du- na e avionnan e rapidez y e forza di 5 motor di jet ordinario.

Nunca un vuelo tabata asina suave, calmo y asina confortabel, manera den un "5th Engine Jet." Bisa bo agente di biahe cu bo ke bai cu Trans Caribbean.

★ Basá riba un tariva di excursion "round trip" di 15 dia, saliendo for di Aruba.



**TRANS CARIBBEAN**  
THE '5TH ENGINE' FAN JETLINE

## Openbare verkoop van douanegoederen KENNISGEVING

De Adjunct-Inspecteur der Belastingen op Aruba, maant hierbij aan degenen die thans goederen langer dan dertig dagen in tijdelijke opslag in de Gouvernements-bergplaatsen of langer dan een jaar in definitieve opslag hebben opgeslagen, om binnen dertig dagen na dagtekening dezer, deze goederen alsnog af te halen.

Bij in gebreke blijven hieraan te voldoen zullen de goederen ingevolge artikel 96 der Algemene Verordening I.U. & D. 1908 in het openbaar worden verkocht.

Aruba, 2 mei 1964.

De Adjunct-Inspecteur der Belastingen.  
H.W.J. van der Weide.

Het Bestuur van de **N.V. ARUVEN** maakt bekend, dat op 30 juni 1964 om 11 uur voormiddag

## OPENBARE AANBESTEDING

zal worden gehouden op het kantoor van het Hoofd van de Dienst Openbare Werken voor:

**HET UITBREIDEN VAN HET ARUBA CARIBBEAN HOTEL MET 80 KAMERS.**

Bestekken en tekeningen zijn op het kantoor van de Dienst Openbare Werken verkrijgbaar tegen betaling van N.A. Fl. 225,-- per stel.

Alleen aan inschrijvers zal, wanneer de bestekken en tekeningen binnen 3 dagen na aanbesteding ongeschonden worden ingeleverd, N.A. Fl. 175,-- per stel worden gerestitueerd.

## Irving Buckley nombra "Goodwill Ambassador"

ORANJESTAD, 4 mei.- Durante un diner cual diabierna anochi a worde ofreci door di directiva di Aruba Caribbean Hotel na e huespednan special di Trans Caribbean Airways, kendenan a bin Aruba algun dia pa un bishita, Gezaghebber Interino di Aruba, sr. I.S. de Cuba a nombra senyor Irving Buckley, vice presidente ejecutivo di T.C.A. como "goodwill ambassador" di Aruba. Yen de orgullo y gradicimento senyor Buckley a ricibi e condecoracion.

Den un speech cortico senyor De Cuba un biaha mas a muestra con Aruba a persisti ariba e construccion di e pista di aterizaje pa jet apesar di e echo, cu hopi a kere cu esaki no ta necesario. El a muestra cu e persistencia di e gobierno di Aruba a hanja su motibo den e siguranza cu un tal mehoracion di e aeropuerto den e

era di jet aki tabata necesario pa un desaroyo economico na un manera liher.

Sejor De Cuba a declara cu gobierno y pueblo di Aruba tin un profundo sentimiento di aprecio pa T.C.A., local a keda muestra dia 21 ultimo na un manera claro, ora cu pa di prome biaha T.C.A.

a baha cu jet na Aruba y un multitud grandi a bai aeropuerto pa presencia esaki. Como muestra di e aprecio pa e cooperacion importante carinioso y eficiente cu Aruba semper a hanja di T.C.A. senyor De Cuba a nombra senyor Buckley como "goodwill ambassador" di Aruba. "Un condecoracion cu mi ta entrega na bo den nomber di gobierno y e pueblo di Aruba, como cu bo merece".

PROMER BIAHA.

Sejor Buckley ariba menciona a duna di conoce cu ta di promer

## BUNITA REGALO PA

promer santa comunion



Collar di plata	F 1.25
Collar di oro	F 6.50
Cruz di plata	F 2.--
Cruz di oro	F 4.--
Medaja di plata	F 1.25
Medaja di oro	F 3.50
Renchi di orea di plata	F 2.50
Renchi di orea di oro	F 3.75
Renchi di dede di plata	F 1.25
Renchi di dede di oro	F 6.50
Borstspeld	F 1.50
Mancornia	F 5.--
Set di cuchara y forki	F 5.--
Oloshi di man	F 7.90
Rosario	F 1.25
Feneta di dashi	F 3.25
Ballpoint	F 2.95
Set di pen & Potlood Parker	F 8.50
Beker	F 6.--
Pulsera	F 3.60
Penja chiquito	F 2.--
Set di penja-spiel	F 4.--
Collar di cruz di plata	F 4.25
Collar di medaja	F 2.75
Cuchara di sta. comunion	F 1.50

Ariband cu number den tur prijs.

NOS TA GRABA MIENTRAS BO TA WARDANDO.



## A FALLECE DOOR DI UN ACCIDENTE

ORANJESTAD, 4 mei.- Diarazon entre 12 or y 1 or senyor Hyacinthus L. Rossenberg (52 anja) kende ta biba na Papaya 17a muri a consecuencia di un accidente tra jico. E fallecido no tabata casa y parse tabata conoci como un persona masha stranjo.

## Padvindernan a marcha dia anja di La Reina

ORANJESTAD, 4 mei. Apersar cu e programa di Oranje Vereniging e anja aki pa promer biaha no a anuncia marcha di padvindernan, sin embargo e padvindernan y padvindsternan dia di anja di La Reina a marcha door di e callanan di Oranjestad y San Nicolas. Segun nos a tende Oranje Vereniging a pensa cu lo no tabatin interes for di banda di e padvindernan pa e marcha aki, pasobra parse ora cu e lidernan di e padvindernan a worde ausraca tocante esaki nan no a mester di tin interes. Pero serca hopi di e padvindernan y nan lidernan mes tabata existi hopi interes.

Na San Nicolas por ehemplo e padvindernan y padvindsternan di N.P.V. y N.P.G. cu musica di drumband Arrowaken a marcha door di e callanan. Na Oranjestad tabata unicamente N.P.G. cu a marcha. Como cu N.P.G. di Oranjestad no tin basta tamboer y e Arrowakken nan no tabata di acuerdo pa presta un tamboer na e grupo di Oranjestad pa e marcha door di Oranjestad, alfin tabata e asistente activo di comisario di distrito di N.P.V. Jan Lobbrecht, kende a trece solucion. Ora cu ningun caminda un togado di tamboer por a worde hanja senyor Lobbrecht mes, a tra un tamboer serca un amigo di dje cu ta toca den un conjunto y apersar di e echo cu durante tres anja e no a toca e instrumento aki, e mucha muhernan di N.P.G. diahuebs atardi a marcha cu A.D.C. Lobbrecht door di Oranjestad. Y nan a goza di e marcha.

## M. Kuiperi pa reunion di C.T.A.

ORANJESTAD, 4 mei.- Senyor Michael S. Kuiperi, hefe di Oficina di Turismo na Aruba dia 8 de luna aki lo sali pa Guadeloupe pa asisti ayanan na e reunion annual di Caribbean Tourist Association, Senyor Kuiperi, kende un anja pasa a worde eligi como presidente di e organizacion aki durante di e reunion venidero sergun ta worde spera lo retira di e puesto aki, como cu e presidente di C.T.A. ta worde eligi pa un anja. Dia 15 di mei e ta worde spera atrobe na Aruba.

## Ganadornan pustamento botonan di bela

ORANJESTAD, 4 mei.- Dia di anja di La Reina tabatin un gran interes pa e pustamento di botonan di bela. Manera tradicion havenmeester J. Berkhout a duna e sinjal pa cuminsa. Ganadornan a bira den e clase di botonan grandi; 1. "Clara Beatrice" (Fl. 150 y tres botter di jenever), 2. "Aida" (Fl. 75 y dos botter di jenever), 3. "Tarcilla" (Fl. 50 y dos botter di jenever). Den e clase di botonan chiquito e prijsnan a bai pa 1. "Maria Josefa" (Fl. 100,-- y tres botter di jenever), 2. Albertina (Fl. 50,-- y dos botter di jenever) y 3. "Sylvia" (Fl. 25,-- y dos botter di jenever).

## Fiesta di Fatima

ORANJESTAD, 4 mei.- Diadomingo ultimo a cuminsa na Parokia di Dakota un triduum na ocasion di e fiestamento di e fiesta di Fatima, patrones di Iglesia. Diadomingo anochi durante di e misa, e triduum a worde cuminsa. Dialuna, Diamars pa sietor y Diarazon un cuarto pa sietor tin un Rozenhoedje den iglesia di e parokia, caminda diferente apareciconnan di Fatima lo worde muestra door di e muchanan di e schoolnan Katholico na Dakota: Promer dia na Hulandes, di dos na Ingles, di tres na Papamentu, diarazon anochi e triduum ta worde termina cu un misa solem.



# AGENDA

**ARUBAANSE COURANT**  
diariamente cu excepcion di  
diadomingo  
suscripcion f. 3.25 pa luna  
edicion los 20 ct.  
edita pa:  
**N.V. ARUBAANSE DRUKKERIJ**  
- en UITGEVERS - en PUBLI-  
CITEITS MIJ.  
imprimi na:  
**N.V. DRUKKERIJ**  
„DE STAD,”  
Telefoon 1116 Directiva y redac-  
cion, 2116 Anuncio y subscrip-  
cion.  
Directeur hoofdredacteur:  
D. Wolff.

**POR CUMPRAR ARUBAANSE**  
**COURANT NA E SIGUENTE**  
**LUGARNAN:**  
NA ORANJESTAD:  
BOEKHANDEL MARISKA,  
PIET SODA FOUNTAIN,  
REFRESQUERIA INGRID.  
NA SAN NICOLAS  
NICOLAAS STORE,  
UNION STORE.

## BOTICANAN DI WARDA

Oranjestad Botica del Pueblo  
Tel: 1253-2154  
San Nicolas Botica San Lucas  
Tel: 5119.

## RADIO CARACAS TELEVISION

- 8.45 Senderos de luz
- 9.00 T.V. Educativa
- 10.00 Documentales
- 10.30 Cosas de mujeres
- 11.15 Quien es quien en T.V.
- 11.45 Novela
- 12.00 Show de Saume
- 13.00 Noticias
- 13.05 Cont. show de Saume
- 13.15 Se necesita una amiga
- 13.35 Novela
- 13.50 Yo se lo vengo
- 14.20 Punto y apar te
- 14.45 Estudio de Hector Monte-  
verde
- 15.15 Perfecta ama de casa
- 15.45 Aventuras P opeye y Yeyo
- 16.00 Mejlas y sus muchachos
- 16.45 Tic Tac Toc
- 16.55 Busque su marca.
- 17.15 Loteria.
- 17.30 Revolver a la orden.
- 18.00 El Santo.
- 19.00 Los detectives.
- 19.30 Pajaros de acero
- 20.00 El observador.
- 20.15 Torrealba y sus Torre-  
alberos.
- 20.45 Esta noche Billo.
- 21.15 El matrimonio perfecto.
- 21.45 Los Defensores.
- 22.45 Noticias.
- 23.00 Cine en Español.

## CINE

De Veer: 8.30 p.m. "Diamond  
Head" 18 j  
Rialto: 8.00 p.m. "Birdman of  
Alcatraz" 18 j  
Principal: 8.00 p.m. "The Bar-  
barian & the Geisha" 18 j  
Aurora: 7.30 p.m. "El Justifio-  
ro vengador" 18 j  
Savaneta: 8.00 p.m. "The Big  
Circus" all.

## Cleopatra

un anochi trankil  
ta bal oro.  
pesey cumpra lo mehori!



## MESKER

Adr. Lacle Boulevard  
tel. 1325

## TELEARUBA

- 5.30 Cartoons
- 6.00 Annie Oakley
- 6.30 Dutch Film
- 6.45 Papiamento Newscast Live  
& Filmnews
- 7.30 The Flintstones
- 7.45 Papiamento Sportnews
- 8.15 I love Lucy
- 8.45 Have Gun Will Travel
- 9.00 English Newscast Live &  
Filmnews
- 10.00 Dutch Film
- 10.30 Bold Venture

## CUMPLEANJOS

Dia 2 Mei a cumpli anja seño-  
rita Nia Figaroa, felicitacion ta  
bini di parti di su tata Nicolaas,  
mama Johanna, rumanan Nono,  
Dita, Marietji, Chinta, Dunchi,  
Linda, Jantji, Baita, Lourdes,

Nando y Freddy Figaroa, am-  
ganan Grace Marchena y Edna  
Antony na Bonaire, Nilda Boni-  
facio, Elogia Hellement na Cor-  
sow.

Dia 2 di Mei a recorda nan prome  
aniversario di bida matrimonial,  
señor Angel Pimenteel y Señora  
Juanita Pimenteel, felicitacion ta  
bini di senorita Nia Figaroa kende  
ta desea nan hopi anja mas di bi-  
da matrimonial.

Dia 2 di Mei a cumpli anja a gentil  
caballero Michael Laurence, fel-  
citacion ta bini si su estimada ma-  
ma Sira, tata Michell, rumanan  
Addy y Shirley, Diana na Venezue-  
la wela Rosa Lopez, welo Pa Chi-  
co Lopez, y demas familia Croes,  
Laurence.

Dia 30 di April a cumpli 32 an-  
ja e simpatica senora Cathali-  
na Boezema, felicitacion ta bi-

di su esposo Leonardo, joenan Pe-  
tra, Josefa, Alcantara, Louis, Sa-  
rita, Sally Ramona, Mientje y  
Roosje, especialmente di Nictaly  
Gonzales, Urbano Kock, Haime  
Martijn y demas familia Boezem,  
Reede y Martijn.

## "Chinese Flower Sellers" mas despues pa Corsow

ORANJESTAD, 4 mei.- E grup  
di carnaval, "The Chinese Flo-  
wer Sellers" di senjora Sidonia  
Muller, cu anteriormente a anun-  
cia di lo bolbe canna un blaha  
mas door di callanan di Willem-  
stad den trajenan di carnaval a  
keda cas. Como cu un trinta  
"Chines" a hala atras na ulti-  
mo momento, door di cual henter  
e grupo lo bai dia di Pentecostes,  
pero sin nan trajenan. Diasabra  
promer cu Pentecoster nan ta  
bai pa bolbe di dos dia di pente-  
costes.

# REGALA MAMA UN APARATO ELECTRICO...

## POR FIN E AMOR VERDADERO

### NOVELA

No. 26

Asina cu Gerd y Brigit a bay ba-  
lia cu otro. Y door di esey nan  
no a ripara cu Vera a trece su  
partner na e mesa. E tabata can-  
na cu orgullo banda di José, y bo  
por mira su cara cu e ta orgullo-  
so di su triunfo. Frenky, kende a  
mire ta bini, a lanta para. Un  
sombra a pasa riba su cara, o-  
ra cu José a buig pé y a bisé  
su nomber. Vera a dicidi di  
presenta su amigo. "Figurabo"  
el a bisa Frenky, "Sr. Marel  
y ami ta conoci bjeew di otro.  
Ta awor numa mi a corda. Es-  
ta un berguenza grandi, cu mi  
ta lubida cosnan asina lihé  
"Mi ta kere cu nos mester por-  
donabo", Frenky a bisa. "Bo  
kier a sinta cu nos na nos mes-  
sa, Sr. Marel? Lo ta un honor  
grandi pa nos". Vera a actua  
asina habil, cu José a bin sin-  
ta banda di dje. Cu un cara  
sonriente, el a keda mire den  
direccion di su esposo. Frenky  
tambe a drey mira caminda nan

mabo bonbini den nos grupo, Sr.  
Marel. "Gred a duna José un man,  
y no soamente Vera a ripara, cu  
el a kinipi wowo. "Ta pa mi un  
gran honor di sera conoci cu bo",  
el a agrega, mientras el a buig,  
un poco exahera. "Vale la pena  
pa bo ta asina, dushi", Vera a  
bisa. "Tocante bo senjora, ay e-  
sey ta un conocido bjeew di Sr.  
Marel." "Kiko bo di dushi?, y  
tur es tempo ey bo a tené secre-  
to pa mi?". Despues el a dirigi  
su mes na José. Ach, si y ata  
Brigit akinan tambe. Bisé con ta  
ay José, pasobra e ta e muhé  
di mas bunita akiden. "Sin hesi-  
ta Brigit a duna José un man.  
"Con tabay", Brigit a bisa cu un  
stem dicidi, y José a cumindé  
bek sin perdé di vista ningun mo-  
mento. José a spera cu Brigit su  
cara lo a bira un poco corra di ri-  
para, pero esey no a sosode. Hasta  
Frenky a keda sorpresá cu Brigit a  
keda asina sigur di su mes. "Bisa-  
mi awor, cu bosonan tambe cono-  
ce otro di hopi tempo caba", Gerd a  
bisa. "Esey si lo ta colmo". "E-  
sey nos por ganja, no ta berdad  
José?" Brigit mes a keda sorpre-  
sa con el a saca e palabranan aki.  
"Muchanan, esaki tabata un an-  
ochi magnifico", Gerd a bisa ale-  
gre. "No ta tur ora mi por nek mi  
dushi senjora asina bon. Bo nota  
tumami na malo, no José?" "Y si  
mi a rabia, ni siguiera bo ta pun-  
tra", Vera a contesta. Ta di qou

boso otro caba? Nunca bo a conta-  
mi algo". "E cos ta cu José tin  
mucho tempo ausente", Gerd a  
contesta. "Pero dia cu nos tabata  
mucha, nos tabata hunga polles cu  
ladron junto. Tabata un dushi tem-  
po no José? Esey si ta hopi tempo  
pasá". "Asina hopi tempo, cu ca-  
si mi no por corda mas", José a  
contesta. "Esey si ta un milager  
no? Si bo pasa tur caminda den e  
mundo aki, bo ta lubida hende"  
y hasta bo ta lubida hende. "Bo  
ta equivoca, dushi, Vera a bisa.  
"Pasobra Sr. Marel ta corda ma-  
sha bon, cu el a conocémi tempo  
di school. "Boso tambetabata co-  
nocé otro e tempo ey?", el a pun-  
tra Brigit. "Mi ta kere cu si",  
Brigit a contesta. "Pero ta asina  
hopi tempo pasa, no ta berdad?"  
"Y pesey José mester conta nos  
awor di su exitonan", Gerd a pro-  
poné. "Wel bo sa, aparentemente  
mi tabata kier a keda un anja so  
ayanan. Mi tabata kere cu e tem-  
po lo bula pasa lihé. Y e promé  
dos lunanan a bula pasa di berdad.  
Mi a bay, pero toch mi a keda  
mara na nos patra. Mi tabata  
anhela pa alcanza un cierto doel,  
cu tabata vale la pena. "Y awor  
bo a alcansé?" Vera a puntra.  
"Kizas, mi ta  
spera. En todo caso mi ta sintimi  
bon, cu mi ta akinan, y pa contra cu

hendenan cu ta ponebo sintibo na  
cas, y pa realizá cu nan a lubi-  
da mes poco cu bo". "Esey ta  
zona, manera bo ta papiando di  
un muhé", Gerd a bisa cu bofon.  
"No tin suficiente na Amerika  
nato?". "Si, tin hopi, pero nan no  
ta combinimi. Mi tabata kier, y mi  
mester a bay cas, pasobra mi ta-  
bata sa, cu tabata tin hende ta spe-  
ra riba mi. Y awor mi ta akinan, y  
ningun hende por tahami pa busca  
ni felicidad". Bo a weyta, dushi,  
Gerd a bisa su senjora. "No vale  
la pena pa bringa pa José. RE ta  
perdi pa tur muhé, cu excepcion  
di esun aya. Laga nos bebe na su  
salud". El a lanta su glas den  
laira, y Vera tambe a haci mes-  
cos. Sonreindo el a tene den di-  
reccion di José. Esaki tambe a  
haci mescos y despues el a drey  
mira Brigit. Tabata tin alegria  
den su wowonan? Frenky tabata  
kere asina. Pero e no por a es-  
cohe di otro manera. E mester  
join tambe, pa asina evita cu  
Gerd y Vera tambe haya sa, loke  
ta pasando. Su voluntad firme a yu-  
dé pa hiza e glas, y e biaha aki su  
man no a temblá. Brigit tabata sinti  
masha bon loke ta pasando cu  
Frenky. Compasion y gradicimen-  
to tabata jena su curpa. No pa su  
amor, pero pa su fieldad na Fren-  
ky. E tambe a hiza su glas, pero  
su sonrisa a bay pa Frenky. Mi  
ta pertenecebo, su mirada kier bi-  
sa.  
E ta sigui....



RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di

FRIESCHE VLAG

lechi evaporado y lechi en polvo

MAXWELL HOUSE KOFFIE.



CISCO KID

pa cortesia di:

ARUBA BOTTLING COMPANY

NESBITTS den varios sabor, e refrescan mas pidi y mas gusta na Aruba.



BUCHI ROBEZ



PEPITA


with compliments of

OFICINA MARITIMA DE ARUBA

DOCUMENTATION & TRANSPORTATION FOR INCOMING, LOCAL & OUTGOING CARGOES BY AIR, SEA AND LAND



DICK TRACY



# Horoscopo personal

**ARIES-21 di maart-20 di april-** Proteha bo salud, Cosnan por sa- li escepcionalmente bon pa Aries cu ta goza di un bon salud. Descansa bon.

**TAURO-21 di april-21 di mei-** Cierora e dialuna aki, cua di e ideanan cu bo tin ta practico. Examina tur e contratonan bon.

**GEMINIS-22 di mei-21 di juni-**

Bo ta worde adverti cu tene cautela di e cosnan cu bo hasi e dia aki.

No laganan convence bo cu conversacionnan optimista y tene bo propio limitacionnan na cuenta. **CANCER-22 di juni-23 di juli-** Actua cu energia y legu mai idealismo e dia aki, si bota desea di acerca bo meta.

**LEO-24 di juli-24 di augustus-** Bo mester vigila e corriente di intranquilidad. E dia aki lo parse masha intranquilo, pero bai cu hopi cuidao.

**VIRGO-24 di augustus-23 di september-** Esaki ta un bon dia pa traha pero no keda sin resa e letra di cualquier contract.

**LIBRA-24 di september-23 di october-** Incertidumbre quizas lo impedi bo progreso, cerciora di fuentenan cu por conducibo na re- puestanan mas efectivo.

**ESCORPION-24 di october-23 di november-** Percura di no duna bo opinion referente na asuntonan personal di otro persona. Loke nan ta desea ta aprobacion no bo consehonan.

**SAGITARIO-23 di november-22 di december-** Riba e dia aki tur cos ta brillante y awor ta keda na bo li determina si esaki ta oro falso e realidad.

**CAPRICORNIO-23 di december-20 di januari-** E inteligente pre- aregio di e asuntonan personal y priva ta tur loke bo mester pa tur cos bai bon.

**ACUARIO-21 di januari-19 di fe- bruari-** Bon ganancianan ta spera Acuario cu mantene sucabes den negoshi. Evita e distraccionnan social.

**PISCIS-20 di februari - 20 di maart-** Asuntonan legal y quizas un blaha probablemente lo re- quirir bo atencion personal. No cerra tratonan.

## KLM TA TRECE AGENTENAN DI VIAJE

**ORANJESTAD, 4 mei.** Ayera a yega Aruba cu avion jet di KLM banda di ochor y mei un gran cantidad di agentenan di viahe di New York pa haci un bishita na nos isla. Originalmente e bishitantenan ta forma dos grupo. E promer grupo ta bao di e guia di e empleado di KLM senjor Rovins. Nan ta regresa nan pais diamars atrobe. Na e grupo akita pertenece tambe senjor Kielman, representante di e compania di aviacion Hulandes na Merca. E otro grupo cual ta bao di guia di senjor Bulterman, kende ta agente mayor di KLM na Merca ta keda un dia mas. Un di tres grupo asina di agentenan di viahe ta bin un siman despues. Segun representante di KLM na Aruba, senjor S. Newton a participa na nos, KLM a invita e agentenan aki cu e intencion di laga nan sera conoci cu Aruba y asina dina nan e oportunidad pa "bende" e isla aki mas mihor na Merca. E grupo cu a yega Aruba ayera, awe lo haci un blaha over die isla pa des- pues tin un lunch den Astoria Ho- tel. Awe noch nan lo worde ofreci un cocktail-party den Aruba Caribbean Hotel Casino.